

Bréf Heilbrigðiseftirlits Reykjavíkur dags. 27. janúar 2023 - Tilkynning um útgáfu starfsleyfis fyrir skotvöll Skotfélags Reykjavíkur í Álfsnesi

Góðan daginn.

Umsókn Skotfélags Reykjavíkur var lögð fyrir 137. fund heilbrigðisnefndar Reykjavíkur 25. janúar 2023.

Afgreiðsla nefndarinnar var eftirfarandi:

1. Lögð fram til afgreiðslu umsókn Skotfélags Reykjavíkur, kt. 600269-2919, dags. 31. maí 2022, að loknu auglýsingaferli, um starfsleyfi fyrir skotvöll (Skotfélag Reykjavíkur) að Álfsnesi, ásamt greinargerð félagsins vegna áframhaldandi starfsemi í Álfsnesi. Einnig eru lögð fram almenn starfsleyfisskilyrði heilbrigðisnefndar Reykjavíkur fyrir mengandi starfsemi dags. 5. desember 2018, sértæk starfsleyfisskilyrði fyrir Skotfélag Reykjavíkur fyrir skotvöll í Álfsnesi til auglýsingar dags. 21. nóvember 2022, ásamt drögum að sértækum starfsleyfisskilyrðum fyrir Skotfélag Reykjavíkur fyrir skotvöll í Álfsnesi með breytingum til samþykktar eftir auglýsingu, dags. 25. janúar 2023, bréf Umhverfisstofnunar dags. 11. mars 2022, úrskurður Úrskurðarnefndar umhverfis- og auðlindamála, dags. 30. desember 2022, umsögn skipulagsfulltrúa Reykjavíkur dags. 11. október 2023, umsögn deildarstjóra Aðalskipulags Reykjavíkur dags. 23. janúar 2023 og drög að greinargerð Heilbrigðiseftirlits Reykjavíkur um málsmeðferð umsóknar og útgáfu starfsleyfis fyrir Skotfélag Reykjavíkur fyrir skotvöll í Álfsnesi, sbr. 6.gr. reglugerðar nr. 550/2018. Starfsleyfisumsókn Skotfélags Reykjavíkur var lögð fyrir 1679. afgreiðslufund Heilbrigðiseftirlits Reykjavíkur þann 17. janúar 2023. Í samræmi við 3. gr. viðauka 2.2. við samþykkt um stjórn Reykjavíkurborgar og fundarsköp borgarstjórnar nr. 1020/2019 var samþykkt að vísa málinu til heilbrigðisnefndar Reykjavíkur. Lagt er til að samþykkt verði að veita starfsleyfi til tveggja ára með almennum starfsleyfisskilyrðum heilbrigðisnefndar Reykjavíkur fyrir mengandi starfsemi og með sértækum starfsleyfisskilyrðum fyrir Skotfélag Reykjavíkur, kt. 600269-2919, fyrir skotvöll í Álfsnesi, dags. 25. janúar 2023.
HER23010001

Samþykkt.

Starfsleyfi, starfsleyfisskilyrði og greinargerð um útgáfu starfsleyfi eru aðgengileg á vefsvæði Heilbrigðiseftirlits Reykjavíkur <https://reykjavik.is/utgefin-starfsleyfi-fyrir-mengandi-starfsemi> einfalt að raða fyrirtækjum í starfrósröð með því að klikka á hausinn á dálkinum nafn fyrirtækis. Í greinargerðinni er gerð grein fyrir málsmeðferðinni, fjallað um innsendar athugasemdir við tillögu að starfsleyfi og ákvæði um kæruehimildir og kærufrest. Fjórar breytingar voru gerðar á auglýstri tillögu á starfsleyfi og voru þær samþykktar af heilbrigðisnefnd. Þær eru eftirfarandi:

Breyting á gr. 1.2 varðandi gildistíma starfsleyfis á þann veg að gildistími er til 25. janúar 2025 en í auglýstri tillögu var lagt til að gildistími yrði til 31. október 2026.

Breyting var gerð á gr. 3.2. sem er svohljóðandi í samþykktum skilyrðum. Nota skal hljóðdeyfa í riffilskotfimi þegar því verður viðkomið. Í auglýstri tillögu að starfsleyfi var greinin

svohljóðandi: Að jafnaði skal nota hljóðdeyfa í ríffilskotfimi þegar því verður viðkomið. Gerð var breyting á grein 3.4 í ljósi þess að gildistími er stytur í tvö ár og að skipaður hefur verið starfshópur sem hefur það hlutverk að fjalla um framtíðaraðstöðu fyrir skotæfingasvæði og er hópnum ætlað að skila fyrstu tillögum 1. júní 2023. Í samþykktum skilyrðum er greinin svohljóðandi: Rekstraraðili skal í samráði við HER vinna að raunhæfum úrbótum til að minnka hávaða og ónæði frá starfsemi á gildistíma starfsleyfisins. Í auglýstri tillögu var greinin svohljóðandi: Rekstraraðili skal skila til Heilbrigðiseftirlits Reykjavíkur raunhæfum tillögum að úrbótum til að minnka hávaðaónæði af starfsemi sem m.a. en ekki eingöngu geta tekið til notkunar á hljóðisogsefnum við skotvelli og breytta skotstefnu svo fljótt sem auðið er og eigi síðar en 30. nóvember 2023. Eftir föngum skal taka mið af skipulagsmálum, m.a. boðaðri vinnu við sérstaka breytingu á aðalskipulagi Reykjavíkur sem nær til Kjalarness, Álfsness og fleiri strjálbýlla svæða.

Breyting var gerð á gr. 4.1.2 þar sem bætt var við eftirfarandi texta við greinina: Verði að fresta móti vegna veðurs má halda það við fyrsta hentugleika í samræmi við það sem fram kemur að ofan. Tilkynna skal slíka breytta tímasetningu strax og hún liggur fyrir.

Vakin er athygli á að samkvæmt 1. mgr. 65. gr. laga nr. 7/1998 um hollustuhætti og mengunarvarnir, er heimilt að vísa ákvörðun heilbrigðisnefndar í máli þessu til úrskurðarnefndar umhverfis- og auðlindamála. Um aðild, kærufrest, málsmeðferð og annað er varðar kæru til úrskurðarnefndar umhverfis- og auðlindamála fer skv. lögum nr. 130/2011 um úrskurðarnefnd umhverfis- og auðlindamála. Kæra til úrskurðarnefndarinnar frestar ekki réttaráhrifum ákvörðunarinnar, sbr. 5. gr. ofangreindra laga. Frestur til að vísa málinu til úrskurðarnefndar umhverfis- og auðlindamála er einn mánuður frá því kæranda varð kunnugt eða mátti vera kunnugt um ákvörðunina. Kæra skal vera skrifleg og undirrituð.

Með kveðju,
Guðjón Ingi Eggertsson, heilbrigðisfulltrúi
Heilbrigðiseftirlit Reykjavíkur, Umhverfiseftirlit
